

Na osnovu člana 177. Zakona o radu (»Službene novine FBiH« broj: 26/16 i 89/18), člana 94 . stav (2) alineja f. Zakona o osnovnom odgoju i obrazovanju (»Službene novine KS« br. 23/17, 33/17 i 30/19), člana 149. i 179. Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo (»Službene novine Kantona Sarajevo« br. 04/18), **uz prethodne konsultacije i saglasnost Sindikata JU OŠ »Hilmi ef. Šarić« Tarčin**, Školski odbor na sjednici održanoj dana 21.11.2019.godine donosi

## **PRAVILNIK O IZMJENAMA I DOPUNAMA PRAVILNIKA O RADU JU OSNOVNA ŠKOLA »HILMI EF. ŠARIĆ« TARČIN**

**Pravni osnov za donošenje Pravilnika o izmjenama i dopunama Pravilnika o radu JU OŠ »Hilmi ef. Šarić« Tarčin je Zakon o izmjenama i dopunama zakona o radu (»Službene novine FBiH« broj: 89/18)**

### **Član 1. (Zasnivanje radnog odnosa)**

U članu 14. stav (2) Pravilnika o radu JU OŠ „Hilmi ef. Šarić“ Tarčin, broj:393/18 od 14.05.2018. godine riječi „u roku od 15 dana od dana zaključivanja ugovora o radu“, zamjenjuju se riječima „odmah na početku rada“.

### **Član 2. (Pravo na plaću i jednakost plaća)**

U članu 90. u stavu (1) u alineji 2. iza riječi „učinak“ dodaju se riječi „ukoliko je isti ostvaren“.

U istom članu u stavu (1) iza alineje 2. dodaje se alineja 3. koja glasi:

– uvećanja plaće za otežane uslove rada, prekovremeni rad i noćni rad, te za rad na dan sedmičnog odmora, praznika ili nekog drugog dana za koji je zakonom određeno da se ne radi.

### **Član 3. (Način prestanka ugovora o radu)**

U članu 141. tačke 3. i 4. se mijenjaju i glase:

3. kada radnik navrši 65 godina života i 15 godina staža osiguranja (u skladu sa propisima o penzijskom i invalidskom osiguranju), ako se poslodavac i radnik drugačije ne dogovore ( u skladu sa odredbama Kolektivnog ugovora).

4. kada radnik navrši 40 godina staža osiguranja (u skladu sa propisima o penzijskom i invalidskom osiguranju), bez obzira na godine života, ako se poslodavac i radnik drugačije ne dogovore ( u skladu sa odredbama Kolektivnog ugovora)“.

**Član 4.**  
**(Odlučivanje o pravima i obavezama iz radnog odnosa)**

U članu 150. iza stava (8) dodaje se novi stav (9) koji glasi:  
Zaštitu povrijeđenog prava pred nadležnim sudom ne može zahtijevati radnik koji prethodno poslodavcu nije podnio zahtjev iz stava (6) ovog člana, osim u slučaju otkaza ugovora o radu u skladu sa ovim Pravilnikom.

**Član 5.**  
**(Prava radnika izabranih i imenovanih na javne dužnosti ili profesionalne funkcije)**

Iza člana 150. dodaje se novi član 150 a. koji glasi:

(1) Radniku izabranom, odnosno imenovanom na neku od javnih dužnosti, u organe Bosne i Hercegovine, Federacije, organe kantona, grada i općine i radniku izabranom na profesionalnu funkciju u sindikatu, prava i obaveze iz radnog odnosa, na njegov zahtjev, miruju, a najduže naperiod koliko traje obavljanje te funkcije, od dana izbora, odnosno imenovanja.

(2) Radnik koji nakon završenog mandata iz stava (1) ovog člana, želi da se vrati na poslove u Školi, dužan je o tome obavijestiti direktora u roku od 30 dana od dana prestanka mandata, a Direktor je dužan primiti radnika na rad u roku od 30 dana od dana obavijesti radnika.

(3) Radnika, koji je obavijestio Školu u smislu stava (2) ovog člana, ova ustanova je dužna rasporediti na poslove na kojima je radio prije stupanja na dužnost ili na druge odgovarajuće poslove, osim ako je prestala potreba za obavljanjem tih poslova zbog ekonomskih, tehničkih ili organizacijskih razloga u smislu člana 96. Zakona o radu („Sl. novine FBiH: 26/16, 89/18).

(4) Ako Škola ne može vratiti radnika na rad, zbog prestanka potrebe za obavljanjem poslova u smislu stava (3) ovog člana, dužan mu je isplatiti otpremninu utvrđenu u članu 111. pomenutog Zakona, s tim da se prosječna plaća dovede na nivo plaće koju bi radnik ostvario da je radio.

(5) Ako radniku prestane radni odnos u smislu stava (3) ovog člana, Škola ne može u roku od jedne godine dana, zaposliti drugo lice koje ima istu kvalifikaciju ili stepen stručne spreme."

**Član 6.**  
**(Stupanje na snagu)**

Ovaj Pravilnik objavljuje se na oglasnoj tabli Škole, a stupa na snagu osmog dana od dana objavljivanja.

Broj: 01-1-824/19  
Tarčin, 21. 11. 2019. godine

Predsjednik Školskog odbora

Maslo Eldar